

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA CIVILNE ZAŠTITE
Broj: 07-04-1120/21
Lukavac, 26.05.2021. godine

Na osnovu člana 64. stav (1). tačka b), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 07-04-1120/21 od 25.05.2021. godine u otvorenom postupku javne nabavke radova za rušenje postojećeg mosta oštećenog poplavama 2018. godine i izgradnje novog mosta na Kruševačkom potoku, Pomoćnik općinskog načelnika za Službu civilne zaštite d o n o s i

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 07-04-1120/21 od 25.05.2021. godine, te se Ugovor za javnu nabavku radova za rušenje postojećeg mosta oštećenog poplavama 2018. godine i izgradnju novog mosta na Kruševačkom potoku, dodjeljuje ponuđaču „ROADING“ d.o.o Gračanica, koji je dostavio ponudu broj: 014/21 od 16.04.2021. godine, i konačne rang liste nakon završene e-aukcije za ponuđenu cijenu u vrijednosti od 44.600,00 KM bez PDV-a kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 07-02-1119/21 od 18.03.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 51.280,00 KM.

Obavještenje o nabavci broj: 719-1-3-4-3-32/21 objavljeno je na Portalu javnih nabavki dana 18.03.2021. godine i ispravka za obavještenje o nabavci broj: 719-1-3-4-8-40/21 od 29.03.2021. godine.

Komisija za provođenje postupka nabavke imenovana Rješenjem broj: 02-04-75-4/21 od 19.03.2021. godine i Rješenjem o izmjeni rješenja broj: 02-04-75-4/21-1 od 30.03.2021. godine dostavila je Zapisnik o pregledu i ocjeni ponuda broj: 07-04-1120/21 od 19.05.2021. godine, Zapisnik o pregledu i ocjeni ponuda broj: 07-04-1120/21 od 25.05.2021. godine, Preporuku o izboru najpovoljnijeg ponuđača broj: 07-04-1120/21 od 25.05.2021. godine i Izvještaj o radu broj: 07-04-1120/21 od 25.05.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno sedam blagovremenih ponuda, a da neblagovremenih ponuda nije bilo;
- da su ponude ponuđača: Grupa ponuđača „GRIMIG d.o.o Doboj Istok i DŽENA d.o.o Gradačac“, „NEA Gradnja“ d.o.o Lukavac i „ROADING“ d.o.o Gračanica, kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način,
- da je ponuda ponuđača GRAMAT d.o.o Gračanica na osnovu tačke 14.4. stav 3. Tenderske dokumentacije i člana 68. stav 4. tačka i) odbačena. Komisija je utvrdila da isti nije ispunio zahtjev postavljen tačkom 13.3.1.b) podtačka 4. Naime, ugovorni organ je dana 29.03.2021. godine izvršio

izmjenu tenderske dokumentacije broj: 07-04-1120/21 u kojoj je promijenjen uslov naveden pod pomenutom tačkom. Kako navedeni ponuđač nije dostavio dokaz da posjeduje hidraulični čekić za rušenje betona koji se montira na hidrauličnu radnu mašinu, Komisija je ponudu odbacila.

- da je ponuda grupe ponuđača „HIDRA GROUP d.o.o Lukavac i DEN ALM COMPANY d.o.o Lukavac“ primjenom tačke 14.4. stav 3. Tenderske dokumentacije i člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbačena. Komisija je utvrdila da isti nije ispunio zahtjev postavljen tačkom 13.3.1.b) podtačka 4. tj. nije priložio dokaz da posjeduje hidraulični čekić za rušenje betona koji se montira na hidrauličnu radnu mašinu, te je ponudu odbacila.
- da je ponuda ponuđača „HOLEX“ d.o.o Živinice na osnovu tačke 14.4. stav 3. Tenderske dokumentacije i člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbačena. Naime, Komisija je utvrdila da je isti u ponudi na strani 15. dostavio diplomu za Alen (Zinet) Mulić iz koje je vidljivo da je isti završio drugi ciklus sveučilišnog studija građevinarstva i ostvario 120 ECTS bodova. Kako je tačkom 13.3.1.a)1) Tenderske dokumentacije tražen „Jedan dipl. ing. građevine ili odgovarajuće zvanje po bolonjskom sistemu studiranja sa najmanje 240 ECTS bodova sa položenim stručnim ispitom i najmanje 3 godine iskustva na poslovima građenja ili inženjer građevine ili odgovarajuće zvanje po bolonjskom sistemu studiranja sa najmanje 180 ECTS bodova, sa položenim stručnim ispitom i najmanje 5 godina iskustva na poslovima građenja-voditelj građenja u stalnom radnom odnosu, Komisija iz priložene diplome nije mogla na pouzdan način utvrditi da li isti ima zvanje traženo gore navedenom tačkom tenderske dokumentacije, zbog čega je ponudu odbacila.
- da je ponuda ponuđača „TEHNOGRAD“ d.o.o Tuzla primjenom tačke 14.4. stav 3. Tenderske dokumentacije i člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbacila. Komisija nije mogla na pouzdan način utvrditi da isti posjeduje valjak težine 3 t. Naime u ponudi je na strani 35. priložena upotrebna dozvola broj: 5160/I-20 od 07.09.2020. godine iz koje se ne može utvrditi težina valjka, zbog čega je Komisija ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 51.280,00 KM i da je kriterij za dodijelu ugovora najniža cijena.

Ponuđač „ROADING“ d.o.o Gračanica“ dostavio je prihvatljivu ponudu sa konačnom cijenom nakon e-aukcije u iznosu od 44.600,00 KM bez PDV-a.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba civilne zaštite, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. GRAMAT d.o.o Gračanica,
2. Grupa ponuđača „GRIMIG d.o.o Doboj Istok i DŽENA d.o.o Gradačac“
3. Grupa ponuđača „HIDRA GROUP d.o.o Lukavac i DEN ALM COMPANY d.o.o Lukavac“
4. TEHNOGRAD d.o.o Tuzla
5. NEA Gradnja d.o.o Lukavac,
6. ROADING d.o.o Gračanica,
7. HOLEX d.o.o Živinice i
8. A r h i v i.-



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-30-6250/20 od 21.12.2020.god.)
Edin Hamzić, dipl. ing.